

河防一覽目錄

卷之一

祖陵圖說

皇陵圖說

兩河全圖說

卷之二

河議辯惑

卷之三

河防險要

卷之四

修守事宜

卷之五

河源河決考

卷之六

泗州先春亭記

賈魯河記

河源記

于都憲題名記畧

鑿徐洪記

鑿呂梁洪記

奈太常全河說

止泃河疏

止膠河疏

卷之七

經畧兩河疏

部覆前疏

河工事宜疏

部覆前疏

勘估工程疏

部覆前疏

卷之八

恭報續議工程疏

查復舊規疏

部覆前疏

申明鮮貢船隻疏

部覆前疏

報塞黃浦疏

河工告成疏

黃河來流艱阻疏

申飭徐北要害疏

卷之九

覆議善後疏

覆議河工補益疏

高堰請勘疏

計議淮南未盡事宜疏

申飭鎮口閘禁疏

部覆前疏

卷之十

河工分派司道疏

部覆前疏

議留河工米銀疏

部覆前疏

申明修守事宜疏

部覆前疏

議守輔郡長隄疏

部覆前疏

恭誦綸音

部覆前疏

卷之十一

添設管河官員疏

申明河南修守疏

停寢訾家營工疏

部覆前疏

修復湖隄疏

就近銓補分司疏

就近銓補河官疏

查議通濟閘疏

部覆前疏

河工告成疏

贈卹司官疏

卷之十二

甄別司道疏

部覆前疏

申明鮮船疏

部覆前疏

申明職掌疏

部覆前疏

縣官輕忽河務疏

旱久泉微禱雨疏

添募夫役以裕河工疏

官旗挾帶私貨疏

部覆前疏

恭報三省直隄防告成疏

河上易惑浮言疏

畫地巡守疏

申明修守泗隄工完疏

議創石隄疏

會勘徐城鎮口疏

工部覆前疏

報消泗水疏

併勘河情疏

卷之十三

請遣大臣治河疏

科道會勘河工疏

科道進圖說

條陳善後事宜疏

條陳河工補益疏

條陳治安疏

中州河防要害疏

部覆前疏

卷之十四

查理沁衛二河疏

河工大舉疏

欽奉查理河漕疏

南直隸工程

酌議河道善後疏

祖陵當護疏

欽奉查理河漕疏

山東工程

清復湖地疏

目錄

河防一覽卷之十一

河臣潘季馴著

南旺分司主事王元命
濟寧兵河副使曹時聘

校訂

運同陳昌言編次

奏疏

添設管河官員疏

臣潘季馴謹

題爲查議管河官員以裨修防事據河南管河道
副使陳九仞呈稱蒙臣閱視河隄勘得府州
縣管河官員有地方廣遠一官難以管攝者
有河防險要未經額設專官者有陞遷事故

見今員缺待銓者牌仰本道會同酌議某處
應該添補某處應該更調就便遴選賢能堪
任官員具由通詳以憑會

題蒙此行據開封府議呈前來該本道會同守巡
太梁道叅政王來賢僉事王九儀議得黃河
經行開封府屬岐分兩岸延袤千里南岸如
小院村瓦子坡黃煉集關家寨劉獸醫口陶
家店張家灣時和驛槐疙疸王家樓埽頭普
家營等處繫關省會

藩封重地北岸如甄家莊郭家潭驛沙壘于家店
中藥城荆隆口陳橋貫臺馬家口陳留寨銅
瓦廂張村集煉城口榮花樹三家莊等處逼
鄰漕河重干運道先年屢被衝決今雖築隄

完固但管河同知止有一員平時修守已難
周遍若遇河漲風濤兩岸相隔顧此失彼何
以克濟應照淮安兗州兩府各有管河同知
二員事例添設一員駐劄北岸荆隆口及查
河北舊有演武亭一處乃榮澤等四縣聯界

之區盜賊出沒水陸爲害先年曾設官兵防禦今已廢格時有警虞似當以添設管河同知仍兼捕務往來督視以靖地方庶爲兩便及查祥符縣河工浩繁道里遼遠額設主簿一員委難卒辦相應添設主簿一員以分責任滎澤縣居黃河上流向屬縣丞兼管今改沁水與黃合流盡由該縣出口二河併湧兩岸俱險乃縣丞督糧充運往返不暇有誤河防相應朔置主簿一員以專責成蘭陽縣管

河主簿王佩儀封縣管河主簿余純華俱已
陞任員缺未補以上四縣應添應補官員若
候銓選未免耽延時日且初任未諳恐致墮
誤河工今據該府推舉各道遴擇查有開封
府經歷姚學孔才幹優裕操守謹嚴督工克
効勞蹟防禦已竭心力宣武衛經歷劉汝行
小心謹慎幹理條達河工夙夜多勞厥務纖
毫無染俱蒙院科會薦內應選擇一員加以
帶銜州判官祥符縣添設主簿河務原任榮

澤縣典史今陞光山縣牛山巡檢高榮魁向
委隄工克勤厥事雖經遷轉而修防皆屬經
手相應陞補該縣管河主簿原任通許縣縣
丞今陞陝西葭州判官呂文承委修築則竭
力經營居官操持則恪守清潔今雖報陞尚
未離任似宜改留仍以帶銜州判管理蘭陽
縣主簿河務原任陳州吏目今陞甘泉縣主
簿李克己才力俱壯心行亦純若畀胼胝之
任必收底績之功相應改留頂補儀封縣管

河主簿其中牛縣管河該府議欲添官但邑小民疲既有縣丞兼理似應照舊再照黃河兩岸盜賊繁興舊委巡河指揮二員徒擁虛名無益河防且擾害莊民索騙船戶今已添設同知主簿駐守河濱巡緝事宜應歸河官約束督理原委武職革撤回衛庶分理得人河防捕務均有攸賴等因呈詳到臣據此近該臣前往河南地方躬率管河道副使陳九仞并分守道叅政王來賢分巡道僉事王九

儀開歸二府知府王見賓陳禔及各該州縣
管河等官沿河踏勘每至本官該管地方備
將本處要害細加詢問做過工程細加閱視
中間隄壩堅好應答如流者固有而苟且虛
應蒙昧無知者亦多揆厥所由有因道里遙
遠而奔走不及者有因官係兼攝而志意不
專者有因河官懸缺暫委代署者隨行該道
查議去後今據前因該臣會同巡撫河南右
副都御史袁貞吉巡按河南監察御史王世

揚看得河南實運道上流關係甚重所用入
實治河首務毗藉甚殷經理于上者固爲鉅
艱而委任于下者尤爲喫緊頃者節奉

聖旨自今推選委用務在得人欽此臣等仰見我

皇上留神河務洞燭治原矣臣等不勝感服今據各

道議將開封府比照淮安兗州二府事例添

設同知一員駐劄荆隆口地方帶管巡捕事

務蓋荆隆口逼近長東二縣去年黃河從此

決入長東幾溺若有府官駐劄必能保守衛

河南亦衛長東二縣也其應添設及銓補管
河主簿就將經歷姚學孔劉汝行內定一員
加以判官職銜分管祥符縣河務巡檢高榮
魁陞授主簿管滎澤縣河務判官呂文仍以
原職帶銜改留管理蘭陽縣主簿河務主簿
李克已應以原職改留頂補儀封縣管河主
簿中牟縣邑小民疲河患亦少原係縣丞兼
攝委應照舊其陞補各官遺下員缺聽另銓
補原委巡河指揮擬民無益合革回衛一應

巡河事宜歸併管河官兼管尤爲良便似應
依擬伏望

敕下該部再加查議如果臣等所言不謬覆

請允行速賜改補以便預備來歲修防儀封蘭陽二

主簿缺或於臣疏未到之前已經銓補仍恐

初任未諳亦望轉改別用其開封府添設同

知查無相應官員乞於鄰省查有資俸相應

者就近調補勒限到任庶承委得人而河防

允賴矣緣係查議管河官員以裨修防事理

謹題請

旨奉

聖旨吏部知道該部覆奉施行

申明河南修守疏

臣潘季馴謹

題爲申明河南修守事宜以固河防事臣竊惟黃河防禦甚難而中州爲尤難蓋河自崑崙歷關陝以至河南則伊洛涓沁諸水合焉水愈多勢愈盛而自三門七津以下地皆浮沙最

易汕刷故自漢迄今東衝西決未有不始自河南者也去歲河決劉獸醫荆隆口等處勢如飛電呼吸千里上厯

聖慮特遣科臣會同撫按諸臣分投督築地方始有更生之樂然先事之防固當預慎善後之計尤宜亟圖則今日修守之事臣之事也臣之責也敢不盡心力而圖之乎臣於受事之初惓惓申飭各該道府管河等官及將四方二守之法丁寧告戒今歲幸保無虞矣而猶慮

河情地勢目所未覩足所未及者固難以懸想而測度之也復於九月初七日自濟寧州起程前往該省督同管河道副使陳九仞及郡縣掌印管河等官將南北兩岸堤壩逐一閱視河患巨測將來可憂者一而修防喫緊目前應舉者六一者何河南之委流是也查得河南黃河涓滴皆由徐邳出清口會淮入海舊由新集歷趙家園蕭縣薊門出小浮橋勢若建瓴河南無阻梗之虞徐邳有衝刷之

利水之道也後因河南水患另開一道出小
河口本河漸淤至嘉靖三十六年河遂北徒
一變而爲溜溝再變而爲濁河又再變而爲
秦溝今則由胡佃溝梁樓溝北城鴈門石城
等處而復出濁河矣中間經行之處皆係民
間住址陸地較之故道河底高出三丈有餘
漫流平地無渠可歸深者不過數尺淺則尺
餘耳黃河并合汴沁諸水萬里湍流勢若奔
馬陡然遇淺形如檻限其性必怒奔潰決裂

之禍臣恐不在徐邳而在河南山東也緣非運道經行之處耳目所不及見人遂以爲無虞而豈知水從上源決出運道必傷往年黃陵岡孫家渡趙皮寨之故轍可鑒乎臣於萬歷六年題爲黃河來流艱阻後患可虞乞

恩速賜查議以圖治安事該工部覆行鳳陽河南山東撫按會勘得開復故道勞費不貲事體重大時勢未宜工部覆奉

欽依停止夫開復此河工費須以百萬計各省俱當

災歉之餘

內帑正值空乏之際一時委難輕議臣未敢瑣瑣
陳乞姑候年歲豐稔民力少蘇另行題

請外今將修防緊關事宜條例於後伏望

敕下該部再加查議如果臣言不謬覆議上

請行臣遵奉施行河防幸甚臣愚幸甚謹題請
旨

計開

一查得黃河北岸逼鄰漕河關係甚重引

治年間先臣劉大夏築有長隄一道起
自曹縣界至武陟縣詹家店止延袤五
百餘里南岸逼近省會

藩封重地最爲要害亦有長隄一道起自虞城縣
至滎澤縣止兩隄延亘千有餘里實爲
該省屏翰但地鮮老土隄皆浮沙而河
流遷改靡常多有濱河難守者矣今據
該道逐一查覈分爲緩急二工開封府
如儀封縣北岸煉城口舊隄一段長一

千五十丈舊壩一段長六百五十六丈
壩後水坑長二百五十丈南岸普家營
等處新舊月隄四段共長三千一百五
十五丈蘭陽縣楊家莊至賈家樓舊隄
一段長一千六百丈南岸自陳留縣界
至儀封縣界舊隄一段內有缺口二十
一處祥符縣南岸劉獸醫口迤南舊隄
二段長一千二百五十丈張家灣老壩
塌斷應築遶後月壩一段計長三百五

十丈又自陶家店至兔伯壩自埽頭集
至舊隄頭長隄二段共長七千五百五
十六丈又該河南撫按會同工科都給
事中常居敬題奉

欽詔朔築劉獸醫口遙隄一道長三千七百丈封邱
縣北岸荆隆口中欒城于家店張家莊
蕭家莊各有水衝潭窩共長一百七十
五丈又該科撫按諸臣題

准該縣荆隆口朔築遙隄一道長二千零九十丈陽

武縣北岸脾沙堤埽壩長三百丈原武
縣舊隄一道分爲五段共長二百八十
九丈滎澤縣北岸長隄一道自朱世花
大王廟至王婁店郭家潭等處共九段
俱有潭窩共長一千七百七十二丈八
尺歸德府考城縣北岸芝蔴莊迤東埽
壩三段共長八十九丈李秀廠東隄央
口四丈唐家水口壩基二十一丈水坑
二十八丈商邱縣南岸楊先口隄二十

二丈以上工程或剏築或加幫或填補
皆係險要之處亟宜興舉者也又如儀
封縣北岸榮花樹舊隄一段長一千六
百三十三丈空泥河舊壩塌場共三百
七十丈祥符縣北岸馬家口舊隄三段
共長一千四百七十丈省城四面大隄
一道高下通融修理共計六萬五千九
百工陽武縣北岸舊隄自王佑莊至脾
沙堰分爲九段共長四千零八丈南

岸舊隄自訾家莊後至中牟縣圓墩寺
止分爲六段共長三千三百六十四丈
原武縣南岸舊隄二段共長五百四十
四丈中牟縣舊隄六段共長一千四百
七十丈俱應加幫形勢稍緩應俟急工
完日次第興舉者也兩工告竣可恃防
禦但築隄不難而覓土爲難若非真淤
老土隨修隨壞徒費無益容臣嚴行管
河道刻期幫築加意驗探如有墮誤或

夾雜浮沙或夯杵不實苟且塞責者容
將管河官叅拿究治伏乞

聖裁

一臣查得沁河發源于沁州綿山穿太行
達濟源至武陟縣而與黃河合其湍急
之勢不下黃河兩河交併其勢益甚而
武陟縣之蓮花池金圪噹最其衝射要
害處也去歲沁從此決新鄉獲嘉一帶
俱爲魚鱉今幸堵塞築有埽壩矣但係

浮沙恐難久恃且壩內爲商民輳集之處煙爨不下千餘以隄爲命關係不小查得最險之處僅四百三十五丈甃之以石方爲可久况每歲修守費亦不貲積之數年與石無異何憚而不爲耶已行該道查估隨守隨築遲以三年之久必可竣事此隄一成百年永賴矣伏乞

聖裁

一臣查得河道錢糧止是徭編河堡夫銀

工役所恃以爲生河防所恃以爲固者
此也而有司視爲末務每倦追徵吏書
乾沒收頭侵欺殆十五矣向來舊例俱
係各州縣另徵另解庶便稽查近有議
請併八條鞭者夫條鞭之法非爲不美
但解京錢糧與本地方急用銀兩儘先
徵解而待次可緩者輒爲贅旒此有司
之常情也若一槩併入條鞭則畸零人
戶逋負糧稍皆作河道錢糧矣臣請仍

照舊例追徵管河道立限催比收至百兩以上俱解赴開封府收貯如遇考滿陞遷完不及三分之二者不准離任庶人之警惕而錢糧自裕矣臣又查得河道銀兩節經題奉

欽依不許別項那借今以祿糧借以驛傳借以會銀借以紙贖借者不知幾萬矣夫以本項未徵借貸則當於已徵扣還而久假不歸玩愒殊甚合無容臣嚴行管河道備

查明白照數扣還再有逋負容臣叅究
實於河工有裨伏乞

聖裁

一臣惟河防在隄而守隄在人
有隄不守
守隄無人與無隄同矣近該管河道副
使議令開歸懷三府遵照工科給事中
常居敬題

准事例各於隄壩之上每二里修建堡房一座僉令
堡老堡夫常川住堡看守埽料防護隄

岸修補坍塌塹塞窩穴看守柳株禁逐
樵牧三伏九秋之間不分風雨晝夜竭
力防守法至備矣但終歲勞苦雖得官
給工食糊口不敷合無行令三府掌印
官卽於近隄處所勘刷地段堡老每人
給與六畝堡夫五畝以便耕種稍助食
用其應給地畝先儘沒官田地如有缺
少動支贖工河銀置買民產仍給帖照
免其糧差則人心樂爲之用而隄防可

久矣伏乞

聖裁

臣惟勵世磨鈍之術惟在勸懲有道而於河防最苦之事人心尤易懈弛先於萬歷八年四月內該勘工給事中尹瑾題爲河工告成敷陳善後事宜以圖永利事內開定法制以覈歲修該工部覆議於秋冬之交將各經營官員分別功

罪奏

請陞賞罰治題奉

欽依在卷但此例僅行于淮徐而河南未經題

詳未敢擅行誠爲缺典合無容臣於秋防報竣之日
將河南掌印管河等官一體甄別遵例
具

題施行庶人心知警而河防不至弛墮矣伏乞
聖裁

一河南雖非運道經行之處而河情水性
與徐淮無異則當以至徐淮者治之矣

先該臣於八月二十二日題爲申明修
守事宜以圖永賴事皆爲徐淮隄防而
設內有責成長令以一事權蓋欲歸重
於郡邑掌印官也預定工料以便工作
蓋欲早覈歲修工程以便興舉也立法
增築以固隄防蓋欲遵例加培舊築以
固隄防也茲三事者皆可行之於河南
者也已經題奉

明旨臣不敢再贅合無容臣行令河南管河官員一

體遵照施行實於河道有裨伏乞

聖裁奉

聖旨工部知道工部覆奉

聖旨依擬行

停寢營家營工疏

臣潘季馴謹

題爲

祖陵當護運道可虞淮民百萬危在旦夕恭

進開復黃河故道圖說懇乞

聖明采擇以垂百年永利事據管理中河郎中沈修
南河郎中羅用敬會呈奉臣劄付仰司會同
各道督同淮安府并山陽清河二縣各掌印
管河官地老知音人等親詣訾家營地方逐
一丈量查勘要見清河縣東見行正河水面
若干丈今議新開支河果否能分正流日後
可無淤阻分後果否可保泗州永無水患原
議工食有無足用黑墩湖羅家口湖中起隄
作何設法濬築從長計議毋求同而爲遷就

之計毋畏難而忘久遠之圖斟酌停妥會呈
詳奪以憑具

題施行蒙此隨該職等督同淮安府知府張允濟
管河同知姜桂芳山陽縣知縣張光緒清河
縣知縣鄒守約桃源縣知縣華存禮與集彼處
土人楊甫等丈勘明白回報前來該職等議

照

國家興大役舉大事者非持意見以爲可否惟深
晰夫利害之辨而已據府縣申謂訾家營支

河一開除目前之患害收將來之全利惡在乎其不可也但查清河縣東見行正河水面闊二百四五十丈其深約有三四丈不等則支河之開視全河必得三分之一乃可分流而導之使趨今議面濶止四十丈底深止二丈五六尺試以全河形之果有三分之一乎必須面濶底深比原議丈尺稍增其數方爲完計若畚其數於勘估之初恐費病於不繼之請似未可以原估五十五萬九千九百七

十餘兩限之也况黑墩湖又係窪濕積淤之所夫以四十餘里平陸易淤之地而欲新創導河入海之功工力鉅艱舉動匪細鳩夫役必至數萬奏成功須待經年及今徐淮以南歲苦大祲二麥稍熟復罹大疫流移饑殍枕藉相望此何時也瘡痍未起閭閻蕭條卽以大工召募給散工食聊濟一飽而已率僵仆甫起之民而責以趨事赴工之敏恐亦難矣合無俯從該府之議姑待年豐興舉爲便呈

乞再查議等因又據整飭淮揚兵備副使周夢暘潁州兵備副使楊芳徐州兵備僉事陳文燧會呈蒙臣案驗會管河分司行據淮安府勘議前來覆該各道議照自昔治水惟有二策非厚築隄堰以遏橫流則多開支河以洩暴漲而總之審時度勢乃可底績安民若時事未便漫然嘗試未利先害非計之得者該府所稱嘗營之開一舉四利而挑濬情節曲暢旁通不爲無見但工費頗爲艱鉅務

藏又多空虛淮民連歲災傷瘡痍未復目今
秋旱燥烈黍豆不登窮冬苦寒又恐餬口無
策而以煮粥聚賑傳染瘟疫枕藉而死者十
之二三見存孑遺之民尪羸么麼可靜而不
可動可逸而不可勞萬分煦育尤恐不能保
其殘喘而鳩數十萬之夫挑五十里之河計
筭時日必數年之久乃可竣事是猶以疲癯
奄息而責之艱重之任未有不仆者况五十
里長途滿目荒萊居民流徙竟日不聞鷄犬

見井竈不惟數萬夫役棲身無所卽督工官員亦未有駐足之地天時人事俱屬不便職等初議亦謂年歉不能舉事請行再議者蓋與本府今議大畧相同而非遷就畏難不顧久遠之利也相應在從等因到臣通候覆議間又據管河郎中沈修羅用敬徐州兵備僉事陳文燧會呈爲河道事本年八月二十六日據淮安府管河同知姜桂芳揭報本月十四日清江浦外隄對岸清河縣地方有鮑家

營住民張思禮門首勢當黃淮西南而來直射東北河水大漲忽從本營漫流濶二百餘丈隨令大河衛經歷章淮率領本方熟知河道鄉民唐山駕船隨流探勘水勢歸向自本口東北十里經管莊浪石二十里至娘子莊又二十里至澗橋又三十里至古寨俱係湖蕩又十五里至桑墩入見成連河抵幞頭關下新壩入海此口離清河縣三十里外係迎溜內有河湖故道卽今分殺黃流清江浦石

隄以下一帶可保無虞緣由到職先該職等
據實揭報本院訖今蒙批行覆勘爲照鮑家
營正當王家營之上訾家營之下旣非運道
又非民居先年不議築隄留以分殺暴漲之
勢今清江浦外隄加築高厚而黃河大漲果
有此分洩自娘子莊徑由澗橋古寨以入於
海不勞二力不費財用而盈溢之勢可殺清
浦外隄可保真天開之訾家營也若慮水落
之後難保不於而來歲水漲勢必復洩淤則

平時無奪河之患洩則臨漲有分殺之功誠
於河防有益無損呈乞本院詳示將本口照
舊存留以備分洩惟於兩岸用埽包裹以成
河口二三年後時和年豐再舉營營之議未
爲晚也等因各呈詳到臣據此先該臣准工
部咨前事該本部覆議內開營家營支河以
接草灣較諸故道之復固事半而功倍要其
入海之路又散漫而難收事旣未見全利議
亦未敢遽決今新任總理河臣潘季馴前後

治河將幾拾稔閱歷既久聞見必真所據支
河之議宜令覆行勘閱恭候

命下本部備咨總理河道右都御史潘季馴作速到
任將科撫諸臣所議於訾家營開支河以接
草灣一事覆行勘閱果爲利多害少在所當
行或爲徒費無益在所當止倘衆議未妥別
有長策可以護

祖陵保淮安固運道者但求事可功成不拘人已同
異卽令從實具

奏以憑覆

請定奪等因奉

聖旨是這黃河故道旣勘議明白難以開復罷訾家
營應否添開支河還着河道衙門從長計議
具奏欽此欽遵備咨到臣該臣督同司道并
府縣等官親往訾家營一帶地方逐細閱視
行據各官會呈前因正在詳審間忽據徐州
道僉事陳文燧揭報清江浦外隄對岸鮑家
營衝開一口幾二百丈水從本口入荒坡往

東北浪石舊河身至娘子莊澗橋古寨俱係湖蕩又十五里至桑墩入見成連河分支一百餘里下新壩入海此口離清河縣三十里與運河經行之處渺不相及而清江隄修築既高水從西激鮑口一開清江隄乃完運道可免嚙潰改徙而上之順達泗水下之分殺淮水其入口至浪石娘子莊卽前勘議訾家營經流之處折至東北經澗橋達古寨入海則又不必鑿五十里入赤晏廟而水有所歸

是省六十萬金之費以開警家營此皆本院
拯溺救民忠誠仁愛孚格蒼穹照照者默助
其成不勞而底績也僉謂若念警營工費難
處績效難成而鮑家口不係運道不滄民田
俯賜存留以代警營無損之益輿情自安等
因又據管河同知姜桂芳揭報相同俱經臣
批行司道覆勘及親閱相同外今據前因爲
照論天下之事者創其始必先究其所終成
天下之大計者圖其利必先慮其所害若聊

且虛應於一時而漫然爲嘗試之舉之未幾
廢卽隨之咎將誰歸且工役以十萬計時以
年計工費幾六十萬計勞民動衆關係不小
我

皇上以科臣之言下之科撫而復以科撫之言下之
于臣亦誠以事體艱重未可易易耳臣敢不
虛心博訪以仰體

皇上至嚴至愼之意乎臣於六月十七日一接邸報
卽率同各官躬往閱視訾家營委與清口相

對地勢平行並無崎嶇險阻中間雖有黑墩湖羅家口二處頗難濬築然工力消倍亦似可成開成之後分流甚便由此而至顏家口四十五里山顏家口而至赤晏廟復與大河相會不遠矣分流之後欲殺泗州水勢於二百里之外固不可得而清江浦外伏秋之漲委爲可減但該府原議工費五十五萬九千止言濬河而不及築隄若欲比照舊例建築遙隄運土于一二里之外其費又當倍之矣

計土論方之法固是舊規而濬至一丈之下地泉迸出非十倍其工不可則其費亦未可知也然成大事者不惜小費此亦未足論也臣所慮者河性喜深廣而避淺隘今以濶四十丈深二丈五尺之河而欲與濶二百四五十丈深三四丈者同流並駛日後難保不淤伏秋之時河水消漲不常旋淤旋濬恐滋煩苦若欲加濬深廣費須數倍非惟錢糧難措抑恐妨奪正河蓋河不兩行自古記之先年

河臣劉大夏劉天和王以旂諸臣有開孫家
渡以殺水勢者有濬趙皮寨以濟二洪者有
開李景高口引水出徐者皆不久卽淤可爲
明鑒矣當此中外告匱之時萬一虛費工力
罪將誰諉司道府臣係原勘原議之官而懇
懇以荒歉請停爲辭其意亦可想見臣又查
得漕撫侍郎舒應龍工科都給事中常居敬
原

題內開訾家營經黑墩湖羅家口恐有散漫之虞

亦未敢爲必然之畫倘以

祖陵山麓之水未及

玄宮運道之危在清江浦者先年已有石隄目前加築埽隄尙可保無决裂淮黃交滙之地昏墊之害祛之於西者不免移之於東則今議支河重役鉅費非有全利若未可以輕舉而試爲之如必欲爲淮水疏洩之謀求人事之可盡者固不能舍此有他圖耳等因是二臣之見與臣亦不甚異臣所以展轉思惟未敢遽

决者此也今據司道議有新開鮑家營去訾
家營密邇旣非運道經行之處亦無民田損
害之虞八海另由別路可免大河合後復漲
之事雖水落勢必復淤與慮訾家營者無異
但不費一塵可免後悔而漫流廣濶淤不甚
高來歲水漲之時勢必復通淤則平時無奪
河之患通則臨漲有分殺之功與崔鎮等減
水四壩無異也姑俟三四年後本口衝刷成
河留之固善若沙淤漸高水流不順時或地

方豐稔民力稍甦再議別圖亦未爲晚所據
司道諸臣之言似爲有見此皆仰仗我

皇上留心

國計軫念民勞

上帝鑒臨百靈效順之所致也合無將本口兩頭埽
護留備分洩其原議訾家營工程暫行停寢
伏望

敕下該部查議如臣所言非謬覆

請允臣行愚幸甚地方幸甚緣係

當護運道可虞淮民百萬危在旦夕恭
進開復黃河故道圖說懇乞

聖明采擇以垂百年永利事理謹題請

旨奉

聖工部知道

工部覆前疏

題爲

祖陵當護運道可虞淮民百萬危在旦夕恭
進開復黃河故道圖說懇乞

聖明采擇以垂百年永利事該總理河道右都御史
潘季馴題前事等因奉

聖旨工部知道欽此欽遵抄出到部送司案查萬曆
十六年三月內該禮科給事中王士性題前
事內議開復黃河故道等因奉

聖旨着工部便行與漕運衙門及勘河科官從長計
議來說欽此已該本部備行查勘河都給事
中常居敬總督漕撫侍郎舒應龍查議去後
本年六月內該查勘河工都給事中常居敬

總督漕撫侍郎舒應龍題稱黃河故道難復
訾家營另開支河順八草灣河緣由已經本
部覆奉

聖旨是這黃河故道旣勘議明白難以開復罷訾家
營應否添開支河還着河道衙門從長計議
具奏欽此已經備行總理河臣會同司道各
官勘議去訖今該前因似應具題案呈到部
看得訾家營另開支河之議蓋爲黃河故道
難復欲別求一策以殺泗州水勢本不得已

之計也彼時科撫諸臣查勘及臣等議覆業已謂其難行特事關運道民生非經詳覈遽難定議故行河臣覆勘以求畫一之說今潘季馴督率諸臣躬親查閱謂其水性之難強錢糧之難措丁績之難成種種不可開濬之狀昭若指掌與部科原議若相昭合又况鮑家營突衝一口入海甚徑非若訾營之迂繞不煩工力非若訾營之勞費淤則平時無奪河之洩則臨漲分殺之功然則訾家營支河

非惟不當開亦有不必要開者相應如議停寢
恭候

命下本部備咨總理河道衙門及劄付中河南河郎
中備行各該道府州縣官員一體遵奉施行
奉

聖旨營家營既難開濬罷見今河道疏通只着該管
官員遵守成規用心隄防不許妄生意見阻壞
成功徒滋勞費

修復湖隄疏

臣潘季馴謹

題爲修復湖隄以便蓄水濟運事據管理南旺泉
閘主事王元命濟寧道按察使曹子朝分守
東兗帶管分巡兗州道叅政赫維喬呈蒙臣
劄案俱爲檢查節奉

欽依河工分派司道各官以便責成以圖早竣事分
行河道遵照工部議覆工科都給事中常居
敬原題各項工程勒限興舉除將應修閘壩
斗門等工俱已如法甃砌將完馬踏安山二

湖應築約水土隄見今工有次第通候另報
外其蜀山馬場南旺三湖各原議築束水子
隄一道以爲封界及南旺湖中隄一道嚴督

官夫修築間節據委官交州府同知陳昌言
等呈稱各湖先年創有封疆老隄水至隄根
十常八九後因隄防廢弛湖水難蓄蒙工科
踏勘之時正值亢旱舉目禾黍故議築子隄
中亘長隄隄內蓄水隄外召佃官民兩便但
自去歲夏秋恒霖斗門洞開坎河壩築涓滴

不遺水勢瀾漫卽今湖中築隄不惟水深工
難縱築成隄內外汕刷易圯又恐湖狹水微
似非濟漕初意且地被水占亦難召佃利民
查得嘉靖二十二年兵部侍郎王以旂清復
湖界築有大隄年久傾廢似應修復蜀山湖
西南一帶俱臨運河隄岸高聳無容別議其
東北一帶自南頭馮家滾水壩起至蘇魯橋
迤南大隄頭止俱有舊隄根址相應修復自
大隄頭至南旺田家樓止原係受水門戶今

應密植柳株以正封界水至入湖爲運河之
資水退據柳爲民田之限馬蕩湖地勢南面
臨河窪下出水濟運北面原係入水渠道今
宜照舊仍留入水密栽柳樹以爲湖界東面
舊隄約長八里餘相應修復南旺湖東面高
埠遵照原議量留一里築子隄一道其餘三
面應將原隄建復其中亘長隄正在湖中難
以施工相度地勢應濬溝渠通接斗門庶爲
完計各具呈前來覆該司道親閱相同委屬

妥當雖與原議稍有不同求其濟運利賴則
一呈乞酌議題

請等因到臣據此卷查先該臣查將工科都給事中
常居敬原題查復南旺等五湖築建隄壩閘
座等工分委北河郎中吳之龍查復馬踏湖
建永通閘築子隄修王岩口滾水石壩南旺
主事蕭雍查復蜀山湖建坎河壩築束水隄
修滾水大壩濟寧道按察使曹子朝查復馬
場湖建通濟閘築子隄修安居斗門三座分

守東兗道叅政赫維喬查復南旺湖修邢通
等斗門十三處築封界子隄中亘長隄分巡
兗州道僉事劉宏道查復安山湖築封界隄
建八里灣似蛇溝兩閘等因具

題該工部覆議備咨總理河道轉行司道各官查
照分地竭力修治倘興工前後或有事體與
原議稍異者卽便從宜處置或有原議未盡
者不妨別議增補通完

奏報等因覆奉

欽依咨臣通行司道督率興工勒限報竣去後今據
前因覆閱相同除將開壩斗門等工及馬踏
安山兩湖應築隄岸俱照原議候通完覆實
類

奏外該臣看得運艘全賴于漕渠而漕渠每資于
水櫃五湖者水之櫃也先該勘工科臣常居
敬洞燭其源倡爲封界子隄之說蓋因此時
旱魃爲災湖身龜裂地方之民乘時射利盡
爲禾黍之塲故欲築隄限之非濬湖以就民

乃限地以蓄水也良法美意可謂盡善盡美
第自去年六月以後天雨頻仍湖水盈溢不
惟湖地難耕卽民地亦成沮洳矣詢之湖濱

年老之人皆云如此景象向來歲居十七今
欲盡洩湖水剏築子隄亦甚易易但恐築成
之後隄泡水中立見傾圮而于隄之外必見
夾河豈能耕種隨查得先臣兵部侍郎王以
旂原有土隄一道意與科臣常居敬封界正
同而圍湖稍廣蓄水更多今歲之水正及隄

址止因年久浸廢界址不明乾旱之時遂有
越界私種者矣若將此隄加幫高厚盡復舊
業隄內爲湖隄外爲地納水處所不便築隄
密栽水柳爲界庶湖水不縮經界不渝而亦
不失科臣原

題之意矣其南旺湖中隄水

土成功固艱隄

成水泡汕刷必易似宜

所據各司道之

議相應依擬具

題伏乞

敕下該部再加查議如果臣言不謬覆議上
請行臣遵照督令上緊修築勒限報竣謹題請
旨奉

聖旨工部知道該工部覆奉施行

就近銓補分司疏

臣潘季馴謹

題爲河防緊急乞

恩就近銓補賢能官員事臣於三月十六日據徐州
兵備兼管河道按察使陳瑛揭稱南河郎中

羅用敬於三月初八日忽患喉毒病故見今
河務方殷缺官管理等因臣查得本官所管
高家堰清江浦范家口等處俱係兩河要害
歲修之工方在興舉寶應縣西土隄邵伯石
隄適當諸湖之濱題奉

欽依修築尙未告竣卽中羅用敬畢力肩承業有成
績忽爾奄逝臣實痛心除候工完之日將本
官另行叙報外臣竊照

欽修之工原限三月以裏併日而作猶懼逾期

令去今不過數日伏秋之備正在此時若候
推補前來遷延便須數月廢時失事必致疎
虞矣該臣會同總督漕撫侍郎舒應龍看得
管理清江廠兼管開座工部營繕司署員外
郎事主事黃曰謹裊身狷潔任事精詳司開
禁而怨讟不辭淤墊之患可免嚴厥務而功
費俱省侵剋之弊頓清况久處兩河之濱聞
見甚確習知通塞之故疏治不難若將本官
轉擢南河郎中就近到任接管則河防得人

而官不虛久矣及又查得臣於萬曆十六年
十月內題爲申明修守事宜以圖永賴事該
工部覆稱今後中南兩河郎中員缺

敕下吏部卽于工部主事查有曾經分司河上及歷
俸稍淺者遴選推補俟後職業克修容令歷
俸九年方爲破格遷擢題奉

欽依在卷今員外郎黃日謹正係曾經分司河上之
官若令銓補久任九年方行遷擢則非惟目

前得其分猷之力而遲之歲月必收永賴之

功矣其清江厥員缺另行推補伏望
軫下吏部再加查議如果臣等所言不謬覆
請施行河道幸甚臣愚幸甚謹題請

台奉

聖旨吏部知道該吏部議覆相同題奉
聖旨是

就近銓補河官疏

臣潘季馴謹

題爲黃河要地缺官乞

恩就近銓補以防伏秋事臣於三月十六日接到灌
報內開南京戶部湖廣司缺員外推淮安府
同知徐伸陞補等因該臣查得徐伸爲管河
同知北自夏鎮珠梅閘起歷豐沛蕭碭徐邳
靈雎等處至桃源縣止一帶黃河俱係本官
管理而中間埽灣迎溜素稱善决者無處無
之故河防惟以中河爲難而司道官之所責
成者惟同知一人而已矧今時將入夏去伏
不遙捲埽護隄正當預備斷斷于畚鍤之內

逐逐于河漕之濱殆未可以頃刻缺人者也
若候銓補依限前來未免耽延時日倘從遠
方陞調則又未可以時日計矣臣查得駐劄
楊村河間府管河通判申安歷任甚著賢聲
修防業有成效曾經通惠河郎中陸夢熊揭
薦到臣楊村河患頗少未展其才山東德州
知州趙可學才識通敏施爲練達節該司道
開薦到臣查訪委爲可用臣於去年十二日
內將二臣具疏列薦之矣若於內揀選一員

加以同知職銜前來管理河事必克有濟而
二臣見任地方去中河不及千里恭候

命下之日容臣促令兼程趨任浹旬即可接管倘以
本官資俸未深叨開疏中令其久任於河道
更爲有裨伏望

敕下該部再加查議如果臣言不謬覆

請陞補施行庶河防得人而要地不至久於缺官矣

謹題請

旨奉

聖旨吏部知該部議覆通判申安陞補題奉

聖旨是

查議通濟開疏

臣潘季馴謹

題爲目激時事敷陳愚悃以裨治安事據管理開
座工部署員外郎事主事黃日謹徐州兵備
兼管河道按察使陳瑛海防兵備帶管南河
工部分司副使周夢暘會呈蒙臣案驗仰各
司道速查清江裏河通濟開今自開春啓開

之後是否波濤內訌不能閉閘廻瀾水勢較
比往年有無湍激卽今應否改移閘口于稍
南要是何項地名有何便利可避河流之衝
此外有無別所另尋一路堪以濟運清江浦
口應否填築以收永利務要躬親相度會議
妥當呈詳覆議具

題蒙此行據淮安府呈稱督同管河同知等官姜
桂芳等查勘得通濟閘建立甘羅城堅實之
地兩崖頗高捧挽甚便水勢北趨河流平緩

運艘往來頗稱利便所據闕壞不必改移宜
從舊貫等因據此該職等親詣前項地方督
率多官覆加查勘謹按舟從今通濟閘出口
者以此口專向淮河獨受清水惟伏秋大漲
黃流未免到灌故於入伏之時閘外捲築輒
壩無非爲避黃計也至九月水落仍復開壩
由閘蓋自九月以後至五月以前通濟之水
有清無濁三閘遞相啓閉其法甚便故先年
改天妃閘而爲通濟閘以天妃閘當黃而通

濟閘近清也見今糧運通行水皆清平如舊
旋閉頗爲不難况昔黃流只有一道今分流
草灣一百五十餘丈已減全河大半石欲改
閘而南必從淮城以下出口張口受黃口有
沙壅是平江伯建閘以避濁今返背清而就
濁矣全河大勢已奔草灣而清浦西橋一帶
漸淤復從淤處建閘是又舍通而就塞矣日
板閘鈔關與船廠倉庾戶工各部三分司皆
在清江沿河地方以便督造抽分二百餘年

於茲矣今若改閘而南則清江板閘一帶必
至乾斷二分司與諸閘廠俱當改建爲費不
貲三閘延袤六十餘里人煙輳集仰商賈挑
盤之利者萬有餘家若閘改而南必奪生理
移署遷民事在得已况糧艘經由清浦如履
盤盂之內甚爲平穩據從淮南出口是舍清
夷之渠而多受黃河六十餘里捧挽之苦仍
恐運軍亦難之耳再詢淮中士夫皆稱淮城
風水前有清淮後有黃河環流廻抱有如襟

帶乃縉紳生靈之血脉也今從淮南建閘將
使淮地中斷而自絕其襟帶矣談者多稱不
利難以拂衆強圖及勘通濟閘迤南一帶別
無可通舟楫之所職等反覆思維誠不如仍
舊爲便呈乞本院定議題

請等因又據清江管閘分司呈稱蒙臣憲牌仰司卽
查通濟閘入春以來有無黃流內若波濤湍
激是否不能閉閘迴瀾各閘啓放之後因何
不行下板備將致害緣由從實呈報依蒙查

得清口乃糧運咽喉所係自有通濟等閘啓
閉以來順時節宣河無漲溢成效如覩去冬
遵守新立傳籌規矩啓一閉二遵行無失入
春黃水未發糧運出口絡繹無停三閘俱開
晝夜催僱時難暫閉外水雖入悉皆清流平
緩若糧船出盡卽遵前法啟閉况今清江外
隄修築完固附隄淤土一望數十餘丈决無
他患緣由各呈報到臣據此案照萬曆十七
年三月初九日准工部該咨南京戶科給事

中徐常吉題款開肆曰淮揚水患清江浦口
運艘所經而頻年以來黃河內衝出入爲梗
安東之流日緩而浦口之入漸多今自開春
之後運船出口千楫並集舳艫相銜未免啟
閘以納水而波濤內訌不能閉閘以迴瀾水
勢亟矣乞

敕該部轉行總理河道衙門多方籌畫或移閘於稍
南以避清河之衝或通漕舟於別所以爲萬
世之利其清江浦口則令築壩堵截不許復

開如此則庶幾民生可保不然開口受沃而
束手待盡臣恐湍激之黃流將直穿乎高寶
而百萬之蒼生且胥而爲魚鱉此淮揚水患
臣之所可憂也等因題奉

聖旨該部知道欽此欽遵備咨行臣卽查前項閘口
應否可移于稍南漕舟有無可通於別道其
清江浦口應否築堵不許復開凡奏內事情
一一從長計議妥當具

題前來以憑覆

請施行准此先該臣接到邸報隨卽督同南河郎中
羅用敬淮安府署印同知趙瑯山陽縣知縣
張光緒等親詣淮城以南東壩地方及通濟
閘以下清江浦等處逐一踏看猶恐未確又
經案行各司道查勘去後今據前因該臣查
得

國初踵習元人故事以海爲運永樂年間平江伯
陳瑄剗鑿清江浦一帶以通淮黃兩河始以
河爲運矣然清浦原無來流全借河流內灌

萬可浮舟而黃流甚濁恐至淤墊故復設天妃等五閘遞互啟閉以便節宣時將入伏闕外卽築輓壩一應船隻俱於五壩車盤良法美意二百餘年利賴之矣後因天妃閘全納濁流故復改於三里溝尋復改於甘羅城卽今之通濟閘是也此處爲南河口乃淮水獨經之地離黃向淮用清避濁漕渠無淤墊之患舟航有利涉之休人甚便之惟於五六月間黃水盛發不免逆上與淮並入而時將入

伏築壩斷流九月開壩則黃水業已退矣今
給事中徐常吉題

請移閘稍南道漕別所極爲訐謨長慮如果徒避有
地真爲萬世之利但細查淮郡之外別無支
流可引欲通漕舟不得不資兩河欲資兩河
必難免其內灌然分流不及十分之一而滔
滔北去由安東入海者固如故也若移閘愈
南則納濁愈甚司道諸臣所云背清就濁舍
通就塞而運艘多涉險阻六十餘里皆所不

免矣至於改建衙門遷移廠閘費雖不貲無足論也臣又查得初春水落正當平緩之時止因運艘晝夜放行諸閘不便下板傳者遂謂不能啟閉今運艘如期出口各閘啟閉如故委與該司查勘相同臣不敢蔽伏望

敕下該部再加查訪擬議上

請或行撫按及巡鹽巡漕衙門覆加勘議務求久安長治之策以爲河漕永賴之計地方幸甚臣愚幸甚謹題請

旨奉

聖旨工部知道

工部覆前疏

題爲目激時事敷陳愚悃以裨治安事該總理河道右都御史潘季馴題前事奉

聖旨工部知道欽此欽遵抄出到部送司案呈到部
看得我

國家歲漕東南數百萬石以海運非便故鑿清江浦引淮黃二水以通漕舟又建通濟等閘以

避黃而就淮此法行之二百餘年未有能變
者給事中徐常吉慮黃水灌淤條議移閘座
塞清浦似或有見今據總理河臣潘季馴督
率多官再三籌度謂清浦若塞更無別道可
通漕舟閘座若移則去淮流益遠而納濁流
益甚受濁不若受清故更新不若仍舊共說
甚明且悉而河臣猶不敢自是復請下撫按
及巡漕巡鹽御史覆議臣等以爲清江浦之
于運道譬若人身之咽喉即使少有淤阻不

過隨宜修濬之耳未聞塞其咽喉而別求吐
納之處者况清浦見無淤阻而別處又無可
通漕旣經踏勘明白似惟仍舊爲便不必再
議恭候

命下本部備咨總理河道并巡撫漕運衙門及咨都
察院轉行巡按巡漕巡鹽各御史并劄付南
河清江廠郎中主事一體遵奉施行奉

聖旨清江浦運道見在通行只着照舊修守不必再
議更改

河工告成疏

臣潘季馴謹

題爲省直河工告竣據實恭報仰慰

聖衷事節據南直隸中河郎中沈修南河郎中羅用

敬夏鎮主事余繼善海防兵備副使周夢暘

徐州原任兵備管河僉事陳文燧見任按察

使陳瑛潁州兵備副使揚芳會呈節奉總理

河道并總督漕撫衙門劄案俱爲檢查節奉

欽依河工分派司道各官以便責成以圖早竣事行

職等將先後題

准應修上石工程勒限興工上緊報竣職等遵依督
率分委府州縣等官親詣工所如法率作俱
至萬曆十七年四月二十九等日通完訖總
計築過邵伯寶應界首三里湖高郵南北小
湖口鹽壩南隄高家堰天妃壩清江浦惠濟
祠禮字壩范家口柳浦灣潘家壩張家窪馬
家湖黑墩蒯家窪金家窪賈家窪王家口張
福口塔山并護

陵石隄共長七千一百六十五丈八尺土隄共長一萬三千五百七十五丈椿色隄工共長六千二百九十丈六尺築過順水草壩十四座石磯嘴一座蓋過柳浦灣料廠一所建過鎮口閘一座增砌過古洪內華閘二座挑濬過裏河淤淺并濬支河澗河及開鎮口閘上下河道共長一萬一千六十九丈九尺塞過决口長一百二丈填築過喻口河壩一道其各隄高卑酌量地形低昂水勢緩急稍有增損俱

經呈明除長濶高厚丈尺數日已蒙各院及
委官親詣各工遂一覈實訖職等議照上下
江運艘皆由瓜儀歷邵伯高寶淮徐至茶城
以入漕河延袤千里中間湖波萬頃則有風
濤之虞流沙久積則有淤墊之虞兩河湍急
則有衝決之虞淮黃交接則有沙澀之虞故
邵伯東隄每至傾圮寶應西口率多淺阻清
口茶城濁流難免逆上而范家口天妃壩隄
岸坍塌相繼衝決淮揚幾爲魚鱉此往事之

明徵也至如高堰一隄尤爲二河關鍵隆慶初年淮水從此潰入黃亦隨之而東海口無

水衝刷因之堙塞而淮揚與鹽高寶之間則

一望瀰漫桑田爲海矣自萬曆七年修復本

堰之後兩河始歸故道近年以來隄防久弛

漸至汕刷誠爲可慮幸蒙部院科臣先後具

題濬築之工至周大備職等遵奉節行案劄起派

官夫分投興舉晝夜督促如期告竣除用過

錢糧見在覆查另行造冊送覈外所據完過

工程擬合開坐呈報等因又據揚州府推官
李春開鳳陽府推官蓋國士會呈蒙總理河
道并漕撫按鹽各院俱行職等前去各工覈
實依蒙徧歷邵伯寶應界首高郵高堰天妃
清江浦惠濟祠禮字壩范家口澗河柳浦灣
張家等窪張福口王家口鎮口閘塔山縷隄
古洪內華二閘及護隄等處逐一錐探土隄
委係老土夯實驗勘石工俱各甃砌堅緻河
渠深廣一一足數合式經久可恃隨具不致

扶同甘結呈報前來又據山東管理北河郎
中吳之龍管理泉開主事王元命濟寧兵河
按察使曹子朝分守東兗道左叅政赫維喬
分巡兗州道僉事和震會呈蒙總理河道并
撫按衙門備行職等分督修復湖隄建築閘
壩斗門等工鳩夫辦科刻期完報依蒙督委
府州縣等官修築過馬場馬踏蜀山南旺安
山五湖土隄共長三萬二千五百五十一丈
三尺建過火頭灣通濟閘梭隄迤南永通閘

八里灣似蛇溝閘共四座坎河口何家口馮
家口五里舖各滾水石壩共四座安居五里
營十里舖關家大閘常明孫強劉家焦樂濟
運閘盛進張全各斗門共十一座砌過石隄
四丈築過土隄二百九十五丈又挑過建閘
河身長八十四丈順水溝渠長一千一百七
十四丈六尺填過水口十一處築過河口一
處栽過護隄卧柳一萬六千一百五十株封
界高柳六千七十一株俱於萬曆十七年四

月二十五等日通完訖職等議照運艘人鎮
口開直至臨清板開一帶漕渠共計八百餘
里皆藉汶河之水以資利涉而漕渠頗遠泉
源頗微故多設閘座以便節宣修復南旺等
五湖以便潴蓄建立減水閘壩以便出納皆
爲治漕要務不可不講求者也近年以來法
久寢廢一遇亢旱遂同涸轍幸蒙勘河都給
事中常居敬前來會同撫按躬親踏閱逐一
檢查將封殖五湖建復閘壩斗門等項會疏

題奉

明旨通行總河及撫按衙門轉行職等分派工程定
立期限晝夜督促幸以告成等因及據山東
按察司按察使葉夢熊呈蒙總理河道及撫
按衙門憲牌行職查得馬場等湖隄永通等
閘坎河等壩安居等斗門各項工程委係精
緻堅實別無滲漏今具不致扶同甘結呈報
等因各具呈到臣據此案照萬歷十六年閏
六月二十九日准工部咨該查勘河工都給

事中常居敬題爲欽奉

被命分別効勞官員以勵臣工以重河漕事本部議
覆內開案查萬歷十五年十一月內該鳳陽
巡撫都御史楊一魁題爲議處兩河水患以
固運道以奠民生事內議修砌范家口等處
隄岸并改折崔鎮等壩及疏草灣河口緣由
本部覆奉

聖旨崔鎮壩應否改折還候差去科臣到彼再議定
奪其餘俱依擬着實行欽此隨該本部備行鳳

陽巡撫及差法科官欽遵訖萬歷十六年四月內該查勘河工都給事中常居敬會同總督漕運戶部右侍郎舒應龍題爲欽奉

敕諭查理河漕以保運道事內題議古洪以外添建鎮口閘并修築運河隄岸及停折崔鎮等壩停濬草灣等緣由又該本部覆奉

聖旨依擬行欽此備行淮揚撫按轉行管河司道各官一體欽遵訖本年四月內該都給事中常居敬會同山東撫按題爲欽奉

欽諭查理漕河以重

國計事欵開南旺湖修築子隄中亘長隄修復邢
通等斗門共十三座馬踏湖東北築隄修復
王岩口石壩蜀山湖周圍築隄修復馮家大
壩馬場湖周圍築隄修復安居斗門三座及
修坎河口滾水石壩一座長六十丈建火頭
灣通濟閘檢隄集永通閘各緣由又經本部
覆奉

聖旨依議行欽此備行山東撫按轉行司道等官欽

遵訖本年六月內該都給事中常居敬會題
爲清復湖地以濟運道事要將安山湖低窪
處封爲水櫃及八里灣似蛇溝建閘二座緣
由又該本部覆奉

聖旨這湖地依擬築隄仍畫定界限永遠遵守如有
侵占盜決等弊照前旨着實叅治其各處泉湖
蓄水濟運的都着一體清查整理欽此已經備
行南北直隸河南山東各巡撫衙門轉行管
河司道各官一體欽遵訖今科臣常居敬比

照閱邊事例將各管理諸臣分別勤惰題

請但在淮揚則經理之議甫定在山東則濬築之役
方興見今總理大臣新到一切調用人夫叅
酌河務似應候各工通完之日併議優處仍
咨總理河道鳳陽山東各巡撫衙門轉行管
河司道各官查照本部節題事理將見在工
程及河道應行未盡事宜上緊督催完日將
做過工程役過人夫用過錢糧等項覈實造

冊

奏繳清冊送部備查候工完之日河道都御史仍將大小官員分別舉劾另行具

題以憑覆

請賞罰施行等因具題節奉

聖旨是直隸山東等處工程通候完日河道衙門奏報併叙欽此備咨到臣本年八月初五日又准工部咨爲檢查節奉

欽依河工分派司道各官以便責成以圖早竣事先該臣題議除將修建鎮口閘塔山支河縷隄

修清江浦外隄草壩添設柳舖灣料廠先該
漕撫侍郎舒應龍行委南河郎中羅用敬中
河郎中沈修夏鎮主事楊信徐州兵備僉事
陳文燧見在興舉臣照舊督行各官上緊修
築外其興築寶應縣西土隄二十里砌邵伯
湖石隄二十里疏濬淮安至儀真一帶裏河
淤淺查係南河郎中羅用敬海防道副使周
夢暘地方三工俱當以中爲界化段屬之羅
用敬南段屬之周夢暘其在山東各工分委

北河郎中吳之龍查復馬踏湖建永通閘築
子隄修王岩口石壩南旺主事蕭雍查復蜀
山湖建坎河壩築束水隄修滾水大壩濟寧
道按察使曹子朝查復馬場湖建通濟閘築
子隄修安居斗門三座分守東兗道叅政

維喬查復南旺湖修邢通等斗門十三處築
封界子隄中亘長隄分巡兗州道僉事劉宏
道查復安山湖築封界隄建八里灣似蛇溝
兩閘等因該部覆議備行總理河道并鳳陽

山東各巡撫衙門一體遵照施行及行管理河道泉源閘壩司道官查照分地督率府州縣管工官員竭力修治本部仍咨都察院轉行各該巡按巡鹽御史各照所轄地方不時稽察工程期于同心共濟倘興工前後或有事體與原議稍異者即便從宜處置或有原議未盡者不妨另行增補悉如原題定限十七年三月終通完其總河大臣仍親自查閱委果工程堅固足保無虞從實

奏報其効勞大小官員分別勤惰題

請以俟賞罰等因覆奉

聖旨是河道工程着司道等官各照分定地方用心

管理上緊完報不許疎玩欽此備咨前來本

年十月十四日又准工部咨爲申明修守事

宜以圖永賴事該臣條議壹接築舊隄以防

淤淺本部覆議清口乃淮黃交會而淮黃原

自下敞然清口所以不致壅淤者以全淮皆

從此出其勢足以敵黃也若分之則必致壅

淤先年淮決高堰而清口遂成平陸可鑿矣
今王家口隄被商販盜決淮流之勢已分將
來清口沙淤運道阻塞患必由之此隄在清
河縣對岸而該縣任其盜決罪將誰諉今議
欲行司道官接築長隄專責清河知縣管理
修守踈虞叅治庶幾責任旣專而隄防可固
等因覆奉

欽依咨臣俱經通行司道勒限興工間節據司道呈
報南河分司工內天妃壩原議內外包石後

蒙工科親閱本壩地勢廣闊諭令內填實土
不必砌石清江浦外隄原議險要去處捲埽
釘椿并作順水壩十四座今酌量水勢緩急
添築草埽排椿長四百八丈止築草壩四座
惠濟祠外河石隄加石二層并添順水草壩
一座裏河石隄原議五十七丈今減去平緩
處所一十三丈實砌過四十四丈范家口石
隄原議長四百丈今覆勘隄堅水緩去處減
砌七十丈實砌過三百三十丈海防道工內

邵伯湖原題應築石隄二十里除舊石頗堅
量加修補不敢筭工外實砌過石隄一千八
百九十八丈八尺夏鎮分司工內塔山縷隄
原議六百六十丈今加築三百三十六丈共
長九百四十二丈古洪閘原議改造今因添
建鎮口閘啟閉頗易不必更改以滋虛糜止
議本閘并內華閘各加石四層鴈翅加石五
層北河分司工內原議王岩口建壩今酌量
地勢卽於本口之上地名何家口建滾水石

壩一座并增修房家口石隄曰丈築塞河口
一處南旺分司工內續議填築水口十一處
坎河壩兩頭接築土隄共長二百九十五丈
迎水處所俱用灰石壘護分守東兗道工內
原議修復斗門十三座今議照舊修復八座
其餘五座改於五里舖添建滾水大石壩一
座長五丈開挑順水溝渠長一千一百七十
四丈六尺各緣由前來萬曆十七年二月二
十三日又准工部咨爲修復湖隄以便蓄水

濟運事該臣具

題本部覆議南旺蜀山馬場三湖目今水勢瀰漫
直及舊隄根址去年所議築子隄長隄處所
見今俱在湖心難以施工欲行免築要將舊
隄培築高厚納水處所不便築隄仍密栽柳
樹以爲封界雖與科臣原題稍殊而其爲蓄
水濟運則一旦圍湖更廣蓄水更多相應如
議備咨總理河道轉行司道府州縣官一體
遵照施行等因覆奉

聖旨是欽此咨臣通行遵依緣由俱各在卷及查原委司道南旺主事蕭雍夏鎮主事楊信徐州兵備僉事陳文燧分巡兗州僉事劉宏道工俱有緒各以限滿陞官離任隨行接管主事王元命余繼善按察使陳瑛僉事和震督理臣等向在嚴催節據各工報完隨卽躬親閱視惟恐頭緒多端中間倘有隱瞞丈尺工少報多又經覆委南直隸揚州府推官李春開鳳陽府推官蓋國士山東按察司按察使葉

夢熊各查覈去後今據前因該臣議照我
國家定鼎幽燕歲漕四百餘萬以實

京師自瓜儀至淮安則資湖自淮安至徐州鎮口
開則資河自鎮口開至臨清板閘地方則資
汶湖河澤洞之水其患在勞汶泗涓涓之流
其患在涸固其隄使之可捍深其渠使之可
容此治勞之法也湖以蓄之使其不匱閘以
節之使其可續此治涸之法也所據部科諸
臣先後具

題築濬諸工種種皆切河務蓋邵伯隄固而湖水
無泛濫之虞實應隄成而開口免回沙之積
高堰無傾圯之患則淮揚免昏墊之災淮河
絕支岐之流則清口有專攻之力茶城鎮口
之增建深得重門禦暴之策永通通濟之添
開自無長渠濟運之艱五湖隄界旣明則汶
泗停涵而不時之需可待斗門閘壩旣設則
蓄洩有所而湖河之利相須汶水西趨而泉
河易竭故坎河大壩之關係匪輕汶水北注

而南旺之東流必少故何家一壩之利賴不
小至如捲築椿埽加幫卑薄雖非一勞永逸
之計然亦每歲修防之必不可已者臣謹遵
成議畫地分工各司道併力一心刻期告竣
然事連省直興作之頭緒頗多而羣力難於
畢舉工歷三時官夫之勞苦難任而人情易
於怠弛仰賴我

皇上誠孝上格乎

亥穹祇靈助順

威德殫孚於蒼赤黎獻傾心奉職者咸效靖躬之義
趨事者俱竭子來之誠俾臣等得竭犬馬之
勞以效涓埃之報厥功告成絲粟皆我

皇上神聖之所致也臣愚不勝慶幸除用過錢糧候
委官查明另行造冊

奏繳及將効勞官員遵

旨另疏叙錄外今將各工通完數目日期擬合從實
奏報爲此具本開坐謹具題

計開

南直隸工程

總管官海防兵備道副使周夢暘與同

原任南河郎中羅用敬督同揚州府

通判劉汝大等砌完邵伯湖石隄長

一千八百九十八丈八尺內創新砌

石長一千二百八十五丈五尺折砌

舊石六百一十三丈三尺各高九尺

至一丈一二尺計石十層十一十二

層不等其餘修補舊隄不敢筭工築
完寶應西土隄長三千六百三十五
丈內椿笆工長二千八百三十七丈
土工長七百九十八丈俱底濶一丈
三四五尺頂濶八九尺一丈高五六
七尺不等寶應縣知縣耿隨龍管砌
完界首三里湖石隄長八百四十丈
高郵州知州楊汝濬管砌完該州南
北小湖口石隄共長三百九十七丈

石相兼各高九尺至一丈一二尺不
等淮安府同知姜桂芳揚州府同知
張文運通判劉汝大江都縣知縣劉

道隆儀真縣知縣趙廷杞清河縣縣
丞關大倫等築過裏河東西束水椿
笆土隄共長三百二十丈底濶六七
尺頂濶四五尺不等俱高五尺幫築
過鹽壩迤南隄岸長六十一丈濶二
三丈高五六尺不等挑濬河身淤淺

自清河口起至瓜儀江口止共長四千四百一十三丈九尺面濶三四丈至十五六丈深三四尺不等

總管官南河郎中羅用敬徐州兵河僉事今陞漕儲道叅議陳文燧督同淮安府同知姜桂芳修補完高堰石隄長三千一百一十丈幫完土隄長七千七百九十二丈椿筩工長一千五百四十四丈挑濬完堰內洩水支瀆

長二千一百五十五丈築完天妃壩
裏口長一十八丈外口長三十二丈
清江浦外隄草埽排椿長四百八丈
草壩四座砌完惠濟祠外河石隄長
五十四丈五尺高十六層草壩一座
裏河石隄長四十四丈高十三層祠
西包石長四十二丈禮字壩土隄長
三百四十九丈石隄取直止一百六
十四丈高一十五層范家口土隄長

四百五十丈幫完副壩一道長二百七十丈排椿二道共長六百九十六丈自水底築高三丈四五尺底濶十丈四尺面濶五丈五六尺砌完石隄長三百三十丈高十九二十層不等築完順水草壩九座石磯嘴一座濬完澗河長四千九十丈引水溝長一百九十五丈幫完柳浦灣潘家壩椿筴隄長二百二十八丈一尺張家窪

土隄長二百九十一丈喻口河壩一
道馬家湖椿笆工長一百八十丈黑
墩工長十丈蒯家窪土隄長一百丈
金家窪土隄長二百丈賈家窪土隄
長一百九十丈俱底濶一丈三尺頂
濶五尺高八尺建完柳浦灣料廠一
所

總管官中河郎中沈修徐州兵河按察
使陳瑛督同淮安府同知姜桂芳清

河縣署印本府通判田有年等塞完
清河縣南岸張福決口長一百二丈
加築隄長一百二丈底濶六丈頂濶
二丈五尺高八尺五寸兩頭并中段
俱護埽排椿長濶不等接築張福口
以東新隄長四百四十一丈根濶六
丈頂濶二丈高一丈北面斂築斜坡
濶六尺南面護捲土牛磯嘴長濶不
等加築戚書口坡隄長一十九丈濶

三丈五尺高四尺五寸修築完張福
口以南椿笆土隄長七十七丈五尺
築完張福口以西新隄長三百三十
丈根濶三丈五尺頂濶一丈五尺高
六尺幫築完王家口舊隄長一千一
百八十丈根濶二丈一尺至七八尺
不等頂濶一丈五尺至三五尺不等
高六尺至九尺一丈不等內用蘆笆
草埽廂護共長一千三百五十四丈

總管官中河郎中沈修夏鎮任滿主事

楊信接管主事余繼善徐州兵備陞

任僉事陳文燧接管按察使陳瑛督

同淮安府同知徐伸徐州知州唐民

敏等砌完鎮口閘一座計石三十層

高三丈一尺四鴈翅各砌石三十層

閘窩四角廂護椿埽各長七丈挑完

本閘新開河道北首長八十丈南首

長一百三十六丈築完塔山縷隄長

九百四十二丈底濶四丈頂濶一丈
二尺高一丈增砌完古洪內華二閘
各加石四層并加鴈翅石各五層

總管官潁州道兵備副使楊芳督同盱
眙縣知縣吳萬全泗州守備丁汝謙
等砌完護

陵子隄除先築攔河月壩長二百八十二丈不筭外
實砌石工長二百九十二丈五尺高
四尺根濶三尺

山東工程

總管官北河郎中吳之龍督同兗州府
同知陳昌言東昌府通判田野臣汶
上縣知縣劉漢書聊城縣知縣韓子
廉等築完馬踏湖土隄自弘仁橋起
至禹王廟後止長三千三百一十三
丈根濶二丈五尺頂濶八尺高六尺
何家口建滾水石壩一座砌完壩身
連鴈翅轉角壩頭共長三十一丈四

尺壩身高四尺兩頭各高九尺建完
梭隄迤南永通閘一座高一丈九尺
五寸閘底長七丈濶四丈四鴈翅每
長二丈濶一丈五尺績議修補完房
家口石隄長四丈高一丈濶二尺築
完引仁橋河口一處

總管官南莊任滿主事蕭雍接管主事
王元命督同交州府同知陳昌言東
平州知州徐銘汶上縣知縣劉漢書

濟寧衛指揮文棟濟寧州同知程子
洛築完蜀山湖舊隄自馮家壩東起
至蘇魯橋止長三千五百一十丈根
濶二丈五尺頂濶七尺五寸高七尺
五寸外又填完蘇家等十一處水口
各長一丈四五尺濶二丈三丈二三
尺深七八尺一丈不等建完坎河口
滾水石壩一座連鴈翅長六十二丈
八尺壩面濶一丈五尺底濶一丈八

尺高三尺鴈翅各濶三丈高一丈北頭接築土隄七十丈南頭二百二十

五丈俱根濶四丈二尺頂濶三丈逆

水處所灰石壘砌建完馮家滾水石

壩一座長十丈而濶一丈五尺底濶

二丈高四尺自蘇家橋起至田家樓

止長一千四百七十一丈八尺納水

處所每丈栽柳三株共栽完封界柳

四千四百一十五株

總管官濟寧兵河按察使曹子朝督同

兗州府同知羅大奎鉅野縣知縣殷

汝孝濟寧衛指揮文棟修完馬塲湖

東面舊隄并築新隄共長一千六百

二十丈根濶一丈四尺頂濶六尺高

六尺建完火頭灣通濟閘一座閘底

砌石長濶各八丈計石一十三層高

一丈七尺七寸上兩鴈翅各長三丈

五尺下兩鴈翅各長四丈五尺閘下

接砌鴈翅兩邊各長三丈開上接砌
鴈翅兩邊各長二丈五尺又開挑河
身南北共長八十四丈濶十六丈深
一丈五尺修完安居斗門一座四鴈
翅各接砌新石長一丈高一丈十里
舖斗門一座四鴈翅各接砌新石長
五尺高一丈五里營斗門一座南二
鴈翅各接砌新石長一丈北二鴈翅
各接砌新石長五丈俱高一丈栽完

護隄卧柳一萬六千一百五十株北
一面原留入水渠道栽完封界高柳一
千六百五十六株

總管官分守東交道左叅政赫維喬督
同交州府同知陳昌言汶上縣知縣
劉漢書築完南旺湖東面子隄長七
千一百八十八丈三尺根濶一丈頂
濶五尺高六尺西南北三面幫築完
舊隄長一萬二千六百丈根濶二丈

五六七八尺高六七尺不等挑完鴈
水溝渠長一千一百七十四丈六尺
口濶一丈二尺七八尺底濶一丈三

五尺不等修補完關家大閘兩金門
并兩鴈翅各長十一丈濶各八丈高
一丈五尺常明孫強劉家隸樂濟運
閘共斗門五座每座兩金門并兩鴈
翅各長三丈五尺濶各二丈五尺各
高八九尺不等又砌完盛進張全

斗門二座每座兩金門連兩鴈翅各長六丈濶各二丈五尺各高八九尺不等五里舖荆築完滾水石壩一座長五丈兩壩頭各濶一丈五尺迎水兩鴈翅各長一丈二尺兩轉角各長一丈跌水兩鴈翅各長九尺五寸兩轉角各長五尺

總管官分巡兗州道陞任僉事劉宏道接管僉事和震督同兗州府通判王

心東平州知州徐銘築完安山湖土
隄長四千三百二十丈根濶一丈一
尺頂濶六尺高七尺建完八里灣閘
一座閘身連鴈翅共長十丈金門濶
一丈三寸高一丈一尺建完似蛇溝
閘一座閘身連鴈翅共長十丈金門
濶一丈三寸高一丈奉

聖旨工部知道

贈郵司官疏

臣潘季馴謹

題爲乞

恩贈卹病故勤事司官以慰幽魂以勵人心事據中
河郎中沈修清江浦管閘員外郎黃曰謹徐
州兵河按察使陳瑛海防兵備副使周夢暘
漕儲道左叅議陳文燧會呈據高郵州申報
南河工部郎中羅用敬因積勞感患喉疾於
三月初八日身故乞念本司河工勞積最多
艱辛備至照例

請卹等因據此職等查得南河分司工部郎中羅用
敬江西南昌縣人由進士初任烏程縣知縣
行取赴部陞刑部主事漕運理刑萬歷十三
年八月內督修寶應越河工完陞本部員外
郎十四年七月陞工部都水司郎中管理南
河各工修補過高堰石隄三千一百一十丈
幫築土隄七千七百九十二丈椿笆工一千
五百四十四丈挑濬堰內支河二十一
百五十五丈塞築天妃壩裏外共長五十丈清江

浦草埽排椿四百八丈草壩四座惠濟祠外
河石隄五十四丈五尺草壩一座裏河石隄

四十四丈祠西包石四十二丈禮字壩土隄

三百四十九丈石隄一百六十四丈范家口

土隄四百五十丈副壩長二百七十丈排椿

長六百九十六丈石隄三百三十丈草壩九

座石磯嘴一座挑濬澗河四千九十丈引水

溝一百九十五丈柳浦灣張家窪等處土隄

椿笆共長一千一百九十八丈二尺并建物

料廠一所築過鹽壩迤南隄岸長六十一丈挑濬淮揚運河北自清河口南至瓜儀共長四千四百一十三丈九尺築過裏河東西東水椿笆土隄共長三百二十丈修砌界首三里湖石隄長八百四十丈高郵州南北小湖口石隄共長三百九十丈寶應西土隄二十里俱經報完邵伯石隄二十里修砌將完正在報竣其各處歲修工程隨地幫築者不可勝紀積勞之後致感喉疾身故爲照本官經

濟練才庸敏素抱始以寶應功成薦擢水部
因而南河受事值際河艱荒度三年歷寒暑
而曾無厭怠拮据萬狀雖纖細而必自親身
淮揚修守若范礪若高堰頭緒奚啻千端土
石隄防若

欽工若歲工延袤殆將百里工已報竣人卽云亡蓋
平生精力殫於胼胝而一念艱貞比之金石
宦囊淡薄衾斂無以爲資旅櫬淒涼道路爲
之慟惻所謂鞠躬盡瘁死而後已者於本官

眞無媿矣卽今旦夕報功已在首叙之列豈
可勤勞死事寂無優卹之酬及查萬曆九年
中河郎中余毅中在任病故該部院題奉

明旨加贈太常寺卿今郎中羅用敬工程勞績委與
余毅中事例相同合無請乞本院俯賜會題

特加贈典庶幽魂永慰於地下而人心激勵於將來
等因到臣該臣會同總督漕撫戶部右侍郎
兼都察院右僉都御史舒應龍照得原任工
部都水司南河郎中羅用敬秉心忠赤敷治

精明出宰菰城遺思尙在明刑淮甸平反有
聲改任南河之官正當弛防之日范家口之
隄未固天妃壩之決復仍東支西吾此顧彼
失敷歷三年之久曾無片刻之休延袤千里
之間寧有不遍之足舊工未艾新役復興濬
淺培卑種種皆其料理鳩工集事紛紛多所
取裁朝于斯暮于斯飲食起居于斯已絕生
人之樂塞不息暑不息烈風暴雨不息常懷

殉

國之心以故河朔夾攻之地並無一隙之虞築壘
兼舉之秋能獲萬全之策形神俱疲智力兩
窮寸心如焚諸火並發積成喉痛其及宜矣
又問本官未死之二日猶扶疾遍歷諸工口
不能言惟以手指醫人立勸歸署就榻卽什
古人所謂鞠躬盡瘁死而後已者非其人哉
身死之後囊無餘資臣等與地方諸寮曲爲
捐助始就棺殮又可知其生平矣興言及此
不覺淚下身在固當優叙歿後尤宜厚酬所

據司道查有原任工部郎中佘毅中事例曲
爲申懇似宜允從伏望

敕下該部再加查議如果臣等所言不謬具疏覆
請從厚優卹河臣幸甚臣等再照天下之事勞心以

治人者其力或可少憇勞力以治於人者其
心尙有餘閒維茲河工必須心力兩盡方克
有濟故雖以大禹之智猶不免於手足胼胝
也十年之內但經河工大舉必有殉身之臣
兩淮運同贈行太僕寺少卿黃清中河郎中

余毅中山東叅政馮敏功徐州道副使莫與
齊河南僉事余希周南河郎中羅用敬相繼
客死工所臣等皆所目擊而其他卑官散秩
泯沒無聞者未可悉數故近來大小諸臣視
河官如桎梏偶得脫免若釋重負如蒙

皇上俯賜矜憐曲爲優處卹旣死者於身後鼓見任
者於生前亦礪世磨鈍之壹機也臣等不勝
惶悚懇祈之至謹題請

育奉

蒙旨該部知道該吏部議覆奉

旨旨羅用敬准贈太僕寺少卿

余毅中山東叅政馮敏功徐州道副使莫與
齊河南僉事余希周南河郎中羅用敬相繼
客死工所臣等皆所目擊而其他卑官散秩
泯沒無聞者未可悉數故近來大小諸臣視
河官如桎梏偶得脫免若釋重負如蒙

皇上俯賜矜憐曲爲優處卹旣死者於身後鼓見任
者於生前亦礪世磨鈍之壹機也臣等不勝
惶悚懇祈之至謹題請

有奉

蒙旨該部知道該吏部議覆奉

旨准用敬准贈太僕寺少卿